



UNIVERSITÄTS-
BIBLIOTHEK
PADERBORN

Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

I. Januarii. Jesus Christus heri, & hodie, & ipse in sæcula. Heb. 12. 8.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

I. JANUARI.

JESUS Christus heri, & hodie, & ipse
in sæcula. *Heb. 12. 8.*

Incipien- I.
dum à
JESU.



ESUS Verbum Patris, ver-
bum inter omnia verba au-
spicatifissimum, utpote no-
men Increati, & Incarnati
Verbi, sit primum, quod
anni ineuntis die primo, ex ore meo prodeat ver-
bum. Trianobis de JESU proponit strictim expen-
denda, prima hæc primæ diei tessera, *Heri, Hodie, in
Secula*. Hoc est, Fuit, Est, Erit. Ut Deus, fuit *Heri*,
id est, ab æterno; ut Homo, est *Hodie*, in præsentis; ut
Deus Homo, erit *in secula*, in futuro semper. Sicut
ergò JESUS complectitur omnia tempora, præteri-
tum, *Heri*; præsens, *Hodie*; futurum, *in Secula*: sic
omnibus Justitiæ titulis debent illi consecrari, sin-
gula omnis temporis momenta. Et quia nullum est
momentum, quo non accipio à Jesu beneficium, sic
nullum hoc anno erit momentum, quo Jesu non re-
pendam obsequium.

II. Cùm Jesus ut Deus, sit Primogenitus Patris,
ut Homo, primogenitus Matris, ut Deus homo,
(a) *Primogenitus omnis Creaturæ*: idem quoque
erit mei dum loquar, primogenitus oris, dum dili-
gam, cordis; dum cogitabo, mentis. Id igitur
fixum est, à primo die Januarii, usque ad ultimum

A

Decem-

(a) *Colos. 1. 15.*

Decembris, mane ubi evigilavero, primum, vesperti ubi decubuero, novissimum, quod ex ore meo prodibit verbum, erit Nomen illius, qui est (a) *Primus & novissimus*: qui de seipso dicit: (b) *Ego ex ore Altissimi prodivi*: hoc est Jesus. Quia igitur Jesus mihi hodie obtulit primitias sui Sanguinis; ego illi hodie offero primitias mei temporis. Cui enim æquiori jure debentur primitiæ temporis, quam illi, qui fuit omni tempore? Nec tantum omnis temporis, sed in tempore, omnis operis illi consecrabo principium, quia ipse α , id est, principium; Medium, quia est Mediator; Finem, quia est ω , id est, finis. (c) *Quoniam ex ipso, per ipsum, & in ipso sunt omnia*. Ex Jesu enim est omnis Potentia, Per Jesum est omnis Sapientia, in Jesu est omnis Bonitas.

III. A Jesu, ad te, opus manuum Jesu, oculos retorque. Jesus fuit, est, erit, Heri, Hodie, in Sæcula. Tu quid fuisti, quid es, quid eris? Fuisti in utero, es in exilio, eris in tumulo. Fuisti sperma fœtidum, es fæcus stercoreum, eris esca vermium. Fuisti embrio, es homo, eris cadaver. Anno præterito fuisti, hoc præsentem adhuc es, sequenti fors non eris. Fuisse, jam nihil est, Esse, momentaneum est, Fore, perpetuum est. Ante omne tempus fuisti in abyssu inanitatis, quia nihil: brevi tempore es in abyssu calamitatis, quia mortalis: eris omni tempore in abyssu æternitatis, quia immortalis. Nunc igitur cum D. Bernardo: (d) *Considera unde venis, & erubescere; ubi sis, & ingemisce; quò vadis, & contremisce*. Extendat se igitur ad tempus præteritum

(a) *Apoc. 1. 18.* (b) *Eccl. 2. 4. 8.* (c) *Rom. 11. 36.* (d) *In Psal. 4.*

Januar.

Tessera.

3

teritum Pudor, ad præsens Dolor, ad futurum Timor, cogitando quid fuisti, es, eris.

Esse, fuisse, fore, tria florida sunt sine flore:

Nam simul omne perit, quod fuit, est, & erit.

2. DIES JANUARI.

Ecce nova facio omnia. *Apoc. 21. 5.*

Cum anno novo, Partus Hominis novi.

Cum no- I.
vo anno
nova om-
nia facien-
da.

NOvus, quem heri fuimus au-
spicati, annus, nova omnia
exigit in omnibus. Nova o-
pera, nova desideria, novas
cogitationes, novos pro salute conatus, novos pro
cælo labores, nova pro æternitate studia: nova con-
tra hostes nostros prælia. Nunc adhortatur nos
Deus, voce Ezechielis, sub exordium novi Annis
(a) *Facite vobis cor novum, & spiritum novum.* Nunc
per totum orbem latè resonat argentea illa Spiritus
sancti tuba (sic Paulum appellat D. Chrysostomus)
adhortans ut olim Ephesios, sic omnes ubique terra-
rum diffusos Catholicos: (b) *Induite novum hominē.*
Imò vult, ut quilibet sit in Christo, (c) *Nova Crea-
tura.* Denique sic debent esse cum hoc novo anno,
omnia nova, ut quisque dicere possit, quod Agnus
ille Apocalypticus è suo throno: (d) *Ecce nova facio
omnia.* Quia omnia quæ priùs faciebam, erant opera

A 2

veteris

(a) *Ezech. 18. 31.* (b) *Eph. 4. 24.* (c) *2. Cor. 5. 17.*
(d) *Apoc. 21. 5.*